

Misija AL-a u Siriji produžena za mjesec dana

22 Jan 2012 Izmijenjeno 19:41 CET

Očekuje se da će sirijska vlada prihvatiti produženje misije Arapske ligea, kao i da će sirijski zvaničnici biti zadovoljni odlukom AL-a



Al-Dabi smatra da misiju treba produžiti i pojačati na logističkom planu, ali se ne smije produžavati unedogled (AFP/Getty)

Arapska liga (AL) produžila je svoju misiju u Siriji za još jedan mjesec, saopćili su zvaničnici u nedjelju, uprkos kritikama da nije zaustavila 10-mjesečnu represiju nad demonstrantima. Očekuje se da će ministri AL-a, koji su se sastali u Kairu, odobriti također povećanje broja posmatrača. Misija od 165 članova okončana je u četvrtak, ali i dalje se nastavlja političko nasilje širom zemlje. Očekuje se da će sirijska vlada prihvatiti produženje misije AL-a, kao i da će sirijski zvaničnici biti zadovoljni odlukom AL-a, "jer se ne boje posmatrača".

Misija od 165 članova okončana je u četvrtak, ali i dalje se nastavlja političko nasilje širom zemlje.

Ministarski odbor proučio je iza zatvorenih vrata izvještaj koji je podnio šef posmatračke delegacije, sudanski general Mohamed Ahmed Mustafa al-Dabi, a on smatra da misiju, koja je pri kraju, treba produžiti i pojačati na logističkom planu, ali se ne smije produžavati unedogled.

Kritike iz Saudijske Arabije

Saudijska Arabija povukla se iz posmatračke misije AL-a, kritizirajući Damask zbog neuspjeha da zaustavi nasilje nad demonstrantima. Ministar vanjskih poslova Saud al Faizal pozvao je međunarodnu zajednicu da izvrši veći pritisak na režim Assada al-Bashara.



Saud al-Faisal [AFP/Getty]

On je govorio na sastanku AL-a u Kairu, na kome je donesena odluka o produženju misije u Siriji za još jedan mjesec. Princ Faizal je rekao je da se Rijad povlači jer sirijska vlada nije ispunjavala arapski mirovni plan, koji je dogovoren prije dolaska posmatrača. "Pozivamo međunarodnu zajednicu da snosi odgovornost, a to uključuje našu braću u islamskim zemljama i naše prijatelje u Rusiji, Kini, Evropi i SAD-u", kazao je on. Analitičari kažu da će povlačenje Rijada zadati ozbiljan udarac nadama misije da će uspjeti. Sirijsko nacionalno vijeće (SNV), glavna skupina sirijske opozicije, pozvala je AL da zatraži raspravu o sirijskom pitanju u Vijeću sigurnosti Ujedinjenih naroda, istaknuvši da se sprema poslati delegaciju u New York.

Vijeće sigurnosti kritizira nemoć misije AL-a da zaustavi nasilje u Siriji, u kojem je, prema podacima UN-a, u deset mjeseci pobune i represije poginulo više od 5.400 ljudi.

Izvor: Al Jazeera